



N°146  
Entrée le 03.01.2024  
Chambre des Députés  
Déclarée recevable et urgence non-reconnue  
Président de la Chambre des Députés  
(s.) Claude Wiseler  
Luxembourg, le 03.01.2024

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 03/01/2024

Här President,

**Sou wéi den Artikel 81 vun eisem Chambersreglement et virgesäit, bieden ech lech, dës dringend parlamentaresch Fro un de Minister fir den Interieur weiderzeleeden.**

No de massiven Iwwerschwemmungen am Joer 2021 hat déi deemoleg Inneministesch ugekënnegt, dass d'Warn-App Gouvalert während den Onwiederer un hier Grenze gestouss war an dass een an Zukunft wëll d'Handysbenotzer iwwert SMS (Cell-Broadcast) warnen. An der Äntwert op d'parlamentaresch Fro 4732 hat déi deemoleg Regierung erkläert:

"De Cell Broadcast huet de grouse Virdeel, datt d'Biergerinnen a Bierger näischt mussen eroflueden an d'Couverture vill méi grouss ass wéi bei enger App. An déi Richtung soll och de Warnsystem zu Lëtzebuerg evoluéieren, mam Fokus op eng multikanal Warnung [...]."

Kommunikatiouns-Experten an Däitschland rode schonn zënter de 90er Jore, fir Warnunge per Cell-Broadcast un d'Leit ze schécken. Een Artikel op tagesschau.de vum 20te Juli 2021 erkläert de Cell-Broadcast a kuerze Wieder esou:

"Das ist wie ein Streuschuss an alle Geräte im Empfangsbereich eines Mobilfunkmastes."  
Auf diese Weise können Menschen in einer bestimmten Region zielgenau mit Warn-Hinweisen versorgt werden.

Dës Woch goufen et op verschiddene Plazen hei am Land erëm eng Rei Iwwerschwemmungen.

An deem Zesummenhang wéilt ech dem Minister dës Froe stellen:

1. Hunn d'Sms-Noutwarnungen iwwert Cell-Broadcast während den aktuellen Iwwerschwemmungen op alle Plazen hei am Land funktionéiert? Falls nee, wou net?
2. Ass de System vum Cell-Broadcast Stand haut komplett funktionell an entsprécht de Krittere vun engem performante Warnsystem?

Mat déiwem Respekt,

GOERGEN Marc  
Deputéierten



[www.piraten.lu](http://www.piraten.lu)



[www.piraten.lu](http://www.piraten.lu)



LE GOUVERNEMENT  
DU GRAND-DUCHÉ DE LUXEMBOURG  
Ministère des Affaires intérieures

**Äntwert vum Här Inneminister, Léon Gloden, op d'parlamentaresch Fro n° 146 vum honorabelen Deputéierte Marc Goergen zum Sujet "Cell Broadcast"**

Virop ass ze präziséieren, dass d'Technologie vum "Cell Broadcast" eng komplett aner ass, wéi déi vum "SMS zonal" an et sech dobäi ëm 2 ënnerschiddlech Warnkanäl handelt. D'Méiglechkeet fir iwver "SMS zonal" ze warnen ass scho länger operationell a gëtt säit Mee 2022 regelméisseg getest.

**Fro 1**

Während den Iwwerschwemmunge vu Januar 2024 gouf keen "SMS zonal" geschéckt, well d'Situatioun dëst net erfuerdert huet. D'Bevëlkerung gouf iwver aner Warnkanäl informéiert (GouvAlert, staatlech Internetsitten, Facebook, Press).

**Fro 2**

D'Zil ass, dass den zukünftege Warnkanäl "Cell Broadcast" spéitstens am September 2024 operationell soll sinn. D'Handy-Operateuren hunn Enn 2023 éischt intern Tester erfollegräich duerchgefouert. Et gëtt weider intensiivst un der Implementatioun geschafft.

Lëtzebuerg, den 30.01.2024.

Den Inneminister

(s.) Léon Gloden